



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Quomodo vniuersum orbem, breui spatio Christi fama peruaserat. Cap. III.

urn:nbn:de:hbz:466:1-29861

ipse probauerat, respuit, Cæsar in sententia mansit, comminatus periculum accusatoribus Christianorum. Hæc nus Tertullianus. Quod quidem sine dubio cælestis & diuina prouidentia nutu suo commode eius animo iniecerat, quò sermo euangelicus, qui iam inchoatus erat, liberè & absque impedimento vbique terrarum peruaderet.

Quomodo vniuersum orbem, breui spatio Christi fama peruaserat. CAP. III.

ITa quidem certe cælesti diuinâq; virtute & præsidio repente nulla fere mora interposita tâquam quoddam solis iubar, salutare Dei verbum vniuersum terrarum orbem suo splendore collustrauit, sacrarû literarum testimonio apposite respondens: In omnem terram sonus diuinorum euangelistarum & Apostolorum exiuit, & in fines orbis terræ verba eorum. Atque ecclesia quidè Christi, non aliter quàm area, quæ tempore messis immenso frumenti numero de repente cõpleri solet, infinita prope & innumerabili multitudine hominum in cunctis ciuitatibus & vicis veram religionem ac fidem amplectentium subito referta est. Et qui nõ modo ex serie quadã à maioribus deriuata, verumetiam ex errore ab antiquis temporibus ducto, mentes suas vetere superstitionis morbo, quasi vinculo quodam in colèdis simulachris illigassent, hi Christi tandem virtute quæ partim per discipulorum eius doctrinam, partim per miracula ab eisdem edita omnibus perspicue patefacta fuit, illis malis tanquam grauissimis dominis liberati & acerbissimis custodiarum catenis absoluti omnem sceleratam & execrabilem multorum deorum veneratione omnino detestari atque adeo vnum solum Deum, omnium rerum opificem ingenue confitenti. Istumque ipsum veræ pietatis institutis per diuinam ac plenam modestiæ religionem, quæ à seruatore nostro in hominum vitam sparsa ac disseminata fuerat, sanctè venerari cœperunt. cum igitur diuina iam gratia non inter Iudæos solum, verum etiam inter gentes diffusa fuisset, & Cornelius, qui Cæsaream Palæstinæ incoluit, cum vniuersa familia per diuinam quandam visionem

Psal. 18.

EVSEBII HISTORIAE

17.11. sionem, perq; Petri ministeriū primus esset fidem in Christum amplexatus, & complures alij Græci Antiochiæ, quibus discipuli, dum Stephanum Iudæi persequebatur, varijs locis dispersi prædicassent & ecclesia Antiochiæ modo floreret, atque indies magis magisque cresceret, & permulti prophetæ ab Hierosolymis profecti, illic eodem tempore versarentur, & Barnabas ac Paulus vna cum illis viuerent, aliaque fratrum turba istis adiungeretur: Christianorum appellatio in ea vrbe tum primum velut ex florido & fertili solo exorta est. Agabus etiam vnus è prophetis, qui cum illis vixerunt, de fame quæ erat vniuersum orbem terrarum occupatura, id temporis vaticinatur. Vnde item Paulus & Barnabas Hierosolymam vsque allegati erant fratrum ministerio inseruituri.

Quomodo post Tiberium, Caius Herodem perpetuo multans exilio, Agrippam Iudeorum regem creauerat. Cap. IIII.

Tiberius cum circiter duos & viginti annos imperiū Romanum gubernasset, abiit è vita. Huic in imperium succedens Caius confestim Iudææ præfecturæ honorem Agrippæ detulit, illumque tetrarchijs, quibus Philippus, & Lyfania potiti fuerant, præfecit. Ad quas quidem non longo tempore post adiecit etiam Herodis tetrarchiam: Herodem (eum dico qui seruatoris passioni vnà cum vxore Herodiade interfuit) & quem Caius ob varia & multiplicia crimina, quæ in vita admisisset, graui multa & supplicio afficiens, perpetuo tandem addidit exilio. Atque istarum rerum Iosepho teste vtaris licet.

Quomodo Philo pro Iudæis, ad Caium legationem obierit. CAP. V.

Huius porro imperatoris temporibus Philo magna famæ celebritate apud plurimos fuit: Vir sane, qui non nostrorum hominum solum, sed etiam Gentilium qui humanitatis ac politioris literaturæ elegantia excelebant, facile principem locum obtinuit. Genus autem